

A L L O C U T I O

A B

ILLUSTRISSIMO DOMINO

FRANCISCO XAV. EMERICO

E LIBERIS BARONIBUS

KOLLER DE NAGY-MÁNYA,

EQUITE AURATO, INCLYTI COMITATUS BARSIIENSIS
SUPREMO COMITE, S. C. ET REGIO-APOSTOLICÆ MAJESTATIS
CONSILIARIO AULICO, ET AD EXCELSAM CANCELLARIAM R. HUNGARICO.
AULICAM, PROUT ET AD SUPREMUM CÆSAREO-REGIUM AULICUM
COMERCIORUM DIRECTORIUM REFERENDARIO INTIMO,

DUM

N E O . E R E C T A

P R Æ T O R I A N A

N O B I L I U M T U R M A
H U N G A R I C A ,

REGIO PRIVILEGIALI DIPLOMATE

INSIGNITA,

FIDELITATIS SACRAMENTUM,

MILITARI SOLEMNITATE VOVIT;

IN NOBILISSIMO PROCERUM, STATUUMQUE, ET ORDINUM
REGNI CONCURSU,

CUM APPLAUSU QUAM MAXIMO,
DICTA POSONII,

DIE XXVIII. MENSIS SEPTEMBRIS, ANNO M. DCC. LX.

P O S O N I I ,

TYPIS JOANNIS MICHAELIS LANDERER, PRIVILEGIUM TYPOGRAPHI.

KNY-18-00891





didit hodie Regnum Inclytum
tam illustre in Regem suum
Obsequii, fideique Argumen-
tum, quale nulla superiorum
Temporum Ætas conspexit, quodque infe-
cuturis Temporibus majora adhuc eventura
præfagit; Audient Regna externa quid hodie

Hungaria uno Augustæ Amore permota susceperit, & admirabunda fatebuntur, nunquam se adduci potuisse, ut autumarent, uno Nutu illius, quæ præest, Rem tam illustrem, tam proficuum in sæculorum omnium Memoriam ituram constitui potuisse; Felices Nos! qui in hæc servati sumus! Tempora, ut videremus, quantis, quamve ardentibus Studiis Regnum omne vel Nutus Reginae suæ præverteret: quanta non vel ex uno hoc felicissimo animorum Nexu in omne Ævum licet ominari; Felix Regnum in quo Spes suas omnes reponit ea, quæ Jura dat, felix Regnum, quod intimis animis perspexit, à Rege suo non posse exposci aliud, quàm quod Regni publicam felicitatem provehit; Fruere Hungaria hac Prosperitate tuâ: Mihi in Vitam omnem nunquam dies hæc effluet, quâ Natalem Nobilium Turmæ in amplissima hac Nobilissimorum Virorum Corona agere licet.

Lectum Nobilitatis florem contueor, & ingentem Hungariæ in Augustam, summum

Au-

Augustæ in Hungariam Amorem cerno, cer-
tant inter se ambo, uter alteri Palmam præ-
ripiat: Vincitur Regnum, & tantò clariorem
refert Victoriâ, quantò gloriosius à Principe
sua superari; Ut Turma hæc erigeretur, sum-
mus Augustæ in Hungariam imperavit Amor,
ut erectam, talémque, qualem miramur, ho-
die spectaremus, ingens Hungariæ in Augu-
stam imperavit Amor, qui ea omnia facillimè
emolivit, quæ vix superanda videbantur; Non
est, quod Spei sæpe vanæ Vota Nostra dele-
gemus ampliùs, Rem ipsam tenemus: Quod-
si enim omnium Consensu Regnum illud ad
summam felicitatem est provectum, cui or-
nando Regias suas Curas devovit Princeps,
qui alii quam Nos sumus, quibus Princeps
se addixit, Nostra Gens ea est, quæ reliquis
prælatâ, ut eos tueretur, in quorum Salute
tot Provinciarum Incolumitas conquiescit.
Magna tua Mens Augusta, ingens arcanum
regnatricis Prudentiæ referavit, fasti Hunga-
riæ à grandi hoc Eventu signabuntur: Tuo-

rum Votorum explendorum usque adeò Regnum omne studiosissimum reddidisti, ut Religioni sibi duceret, si vel modicò Temporis Spatio ea, quæ designasti, moraretur, Sinu in Tuo tuta conquiescit Hungaria, probè gnara à Te perspicere certius, quid Regno profit, quàm ab ipso Regno; Id sanè unum à Superis deprecandum, ut ea, quæ provecta Jam adeò videmus, ipsa Æternitas firmet; Pondus autem inchoatis addent ii, qui primi ad præcellens hoc Munus vocati sunt, si hi enim Provinciæ suæ rationes omnes expleverint, Perpetuitas coeptis constabit; Sinite hac super Re, ut pauca in medium afferam;

Prætoriani estis! creditur Vobis Custodia Augustorum, & eorum Augustorum, qui Religione in DEUM metiuntur omnia, auctorati estis Principibus, quos vel ipsi Reges reliqui primos inter Regnantes colunt, quos non Igniculos vel una hæc Cogitatio: Maximo Principi meam addixi Operam, subijcere Vobis debet, ne quam vel minimam

Mu-

Muneris Vestri partem missam faciatis: Servitis Principibus, qui beneficium tunc se accepisse putant, cum benè de quopiam mereri possunt, quanta non Proemia, si dignos Vos præbueritis, hinc Vobis decernentur; Video hac è Schola Palatina altioribus Præfecturis Militaribus, præcipuis in pacata Republica admotos Muneribus hic enatos, & sub Conspectu Principum, ausim dicere, ab ipsis penè Principibus efformatos.

Atque hæc quidem tam præclara Ornamenta Tuis Augusta providis Curis, & Confiliis unicè deberi profitemur.

Vos igitur Augustæ Majestates, quæ Oratio Vobis condignas reddat Gratias, prodidistis, quid in Hungariæ fide reponeretis, dum Vos Nobis credidistis; Nos cooptâstis potissimùm, ut ii essemus, in quos Vestra beneficentia dispensaretur largiùs, Verba omnia minora sunt, quàm ut gratum animum exprimamus, accipite fidem, quam facerrima Vobis Sponsione devovemus, fortunæ omnes,
San-

Sanguis, qui in Venis meat, Vita, quâ nihil
Homini pretiosiùs, majúsque Augustæ Do-
mui Vestræ sacra sit, devotâque, Capite Pe-
riculum, experiemini nihil durum adeò à
Vobis Hungariæ imperari posse, quod non
ab ea gestienti Animo pro illa, qua in Vos
est, Veneratione exhauriatur.

